

那文毅公奏議

那文毅公總統河南山東直隸軍務奏議卷三十目錄

卷三十

司寨之捷

附兼顧陝賊

籌策攻城

那文毅公總統河南山東直隸軍務奏議卷三十

男
容安恭輯

司寨之捷

附兼顧陝賊
籌策攻城

嘉慶十八年十一月十一日會同叅贊大臣熱河
都統高公杞叅贊大臣固原提督楊公遇春

奏爲遵

旨恭摺復

奏及分派鎮將剿殺長垣一股竄匪現在圍堵滑城亟

圖進取事竊

臣

等將圍堵滑城布置攻取情形於

本月初八日繕摺馳奏後是日亥刻奉到前奏勦

淨桃源股匪一招

批回並奉

上諭此時惟在圍堵嚴密不令一名竄出卽少須時日亦不加催促欽此仰荷

皇上指示機宜且蒙

垂念兵力不敷布置寬以時日並令將吉林黑龍江勁兵

全數赴豫併力攻剿

臣

等接奉之下曷勝欣佩感

悚伏查滑城五門先經撥兵圍堵惟正北一門賊匪併力死守中隔葦塘難於得手連日亦未十分急攻或間日攻其一門使賊人視以爲常以便攻

其不備一面將城之周圍刨挖溝濠分布鹿角晝

夜加緊巡防雖已辦齊臣等尙未能十分放心緣

縣城計有九里三分周圍寬濶城六且堅統計合

營官兵一萬三千餘名除劄營守卡防護糧臺運

餉解犯外圍城只餘九千餘名臣等正在嚴防間

據東明縣前報長垣一帶賊匪現已竄入封邱延

津陽武等處沿途搶掠騾馬晝夜狂奔有西入太

行之勢又不能不分兵勦捕而大營之兵旣防且

勦且圍贊屬不敷分派又不可不悉心兼顧先其

所急臣等當卽派令富僧德特依順保等帶兵馳

殊

勦項據稟報在陽武之延州集殺賊一百餘名人鎗斃坐車賊首一犯又斃賊目劉姓一犯餘匪俱向陽武之西南奔竄等情臣等以迤西一帶與太行毗連凜遵前奉

殊

諭旨亟須遏賊西竄除飛催特依順保等仍迎頭截勦一面另派總兵楊芳由衛輝馳往一一帶向北抄截兩面圍拏并飛劄大同鎮張績在懷慶一帶督兵防堵以絕賊竄太行之路其吉林二起官兵於初十日戌刻到來隨派德寧阿卽於十一日五鼓由衛輝新鄉等處帶兵前往截勦所有特依順保

楊芳之兵臣均係黑夜分撥徐徐出營蓋恐城上

賊匪瞭見益覺官兵勢單至德寧阿之兵亦令由

道口以西密速行走俾賊匪無從窺見臣并嚴飭

該員等務將此股竄匪無論向東向西總期日內

殊

勦盡况得此吉林生力勁兵諒一經接仗可剿戮

一得捷音先行馳奏

無遺至大局情形臣等會同商酌原可即日併力

攻城今又爲外賊牽制分我兵力實爲可恨臣等

凜遵

聖訓固當計出萬全不敢輕率舉動惟軍務情形早晚不

同卽如此股賊匪已分兵力倘再有零星似此者

更覺難於措手顧此失彼亦非至計

臣等惟有相

機斟酌即擬儘現在之兵奮力攻城尅期收復此

硃

大股一淨可告成功至克復滑城之後所有著名

賊首自當欽遵

諭旨或殲或擒斷不使漏網惟恐賊匪被勦緊急豕突狼

奔倉猝之間或有逸出一二犯彼時惟有懇求

皇上格外施恩宥其倉猝疎忽之罪仍當加緊搜捕務盡

根株

臣

等因圍城未下心急如焚又屢爲外賊牽

綴是以急圖進攻謹

奏

嘉慶十八年十一月十一日會同叅贊大臣熱河都統高公杞叅贊大臣固原提督楊公遇春

奏爲總兵徐錕與富僧德昨在瀋縣之白茅莊生擒賊目張法宗等四十七名業已解到訊明張法宗係小賊目並無要供內有破脅難民六名業經釋放外其餘概行正法又據徐錕稟報初八日由白茅莊前赴後寨村搜剿詎賊匪於密林中伏賊二百人突出衝擊兵勇直前攻打殺賊六七十名追至平城村內賊匪避入樓房磚石如雨官兵竭力仰攻拋擲火彈燒燬樓房將賊匪二百餘人全行

殊

燒斃生擒單應乾等五十二名解營審辦兵勇受傷者臣已優加犒賞另容擇其出力者彙案辦理
謹

奏奉

硃批覽

嘉慶十八年十一月十四日軍機大臣字寄奉

上諭那彥成等奏分派鎮將剿殺長垣一股竄匪並圍堵滑城亟圖進取一摺覽奏俱悉長垣竄匪由封邱延津陽武一帶沿途搶掠有西入太行之勢亟應兩面追截不可令其入山滋蔓該督等前派富僧德特依順保帶

兵追勦派楊芳由北抄截續又派德寧阿帶領吉林馬
隊由衛輝遶往截勦並令張績在懷慶山外防堵吉林
兵馬力強勁一經追及並有各路官兵兜圍當可勦戮
無遺此一股竄匪必有緊要賊目在內一經勦淨先行
由六百里飛速馳奏其富僧德鎗斃劉姓賊目及坐車
賊首確查是何名字並此股內更有賊首何人一併奏
聞至滑縣業已合圍自可計日攻克但該督等所奏滑
城收復即可告成功一語則大屬非是此次勦辦內地
亂民不可侈言成功指日滑城克復渠魁俘戮祇可云
大局已定用六百里加緊馳奏不得馳遞紅旗及用黃

面紅裏奏摺稍事鋪張益增朕咎况克城後應辦事宜
尙多朕將各處潛伏賊匪開明事由清單發給那彥成
托津各一張俟滑城克復直境邊界肅清之後著托津
前赴滑縣軍營與那彥成等會晤面商單內所指各處
匪徒如稍有蠢動情形著托津與那彥成高杞楊遇春
四人自行酌量分往辦理將帶兵將領侍衛巴圖魯以
及各項官兵俱均勻分撥一切機宜朕亦不爲遙制此
時該督等先派人分投偵探必逆情顯露卽星夜帶兵
前往如無蠢動情形忽帶大隊官兵馳赴該處致使人
心驚擾激生事端則所關非細一切機宜惟在該督等

詳慎斟酌不可畏蕙遲疑亦不可輕率孟浪也至撤兵
事宜仍遵前旨將健銳火器營兵一千名先行撤回除
徐錕補放總兵外仍令原帶大員慶祥等分起帶回托
津暫緩同來此項京兵一經凱撤不特都城足增守衛
且使沿途經過地方知軍務告戢王師凱撤人心震懾
安定一切浮言俱息其吉林黑龍江二處官兵最稱勇
健此次數千里征調不易勞費孔繁最當後撤以資鎮
撫著那彥成等審度如單內各處賊匪俱無應帶兵往
剿之處伊等各帶鎮將弁兵於大名衛輝曹州等適中
扼要處所分紮大營各營俱分吉林黑龍江官兵數百

名屯劄派令妥幹員弁前往附近傳習邪教村莊明白
曉諭宣布威德令該良民等將習教從逆匪徒悉行舉
出或按名縛獻其悔過自新者准其自行呈首將所藏
經卷器械悉數呈繳免其治罪有大兵在彼彈壓良民
藉此聲威不懼匪徒報復必能指拏擒獻卽或小有抗
拒立時帶兵剿戮易如摧枯拉朽總期剷斷萌芽除莠
安良勿留餘孽俟察看情形實可放心再將全師凱撤
方稱一勞永逸也

嘉慶十八年十一月十六日軍機大臣字寄奉

上諭托津奏接據那彥成來信以封邱竄匪現又奔至輝

縣恐由淇縣一帶奔入彰德札致托津撥兵赴彰德迎
勦以顧北路等語此股竄匪若由輝縣竄往彰德必由
衛輝經過距那彥成等軍營不遠托津所帶之兵僅止
三千餘名開州一帶尙有未淨零匪指日滑城攻克倘
有竄出匪夥直隸邊界全恃托津一路兵力遏其北竄
之路實未便令其分兵再赴彰德彰德近接衛輝該處
既有賊匪北竄那彥成卽當就近派兵迎勦前此那彥
成等以兵力足敷攻勦滑城將吉林黑龍江官兵分撥
托津軍營嗣托津遵旨飭令全數赴豫此項勁兵計此
旨到日已可全抵滑縣軍營正可令其乘銳追勦竄匪

著特派高杞帶領色爾滾等統率吉林黑龍江官兵繞道前赴輝縣一帶確探賊踪迎頭由北向南截剿此一股竄匪不過千餘人有特依順保楊芳等跟踪緊躡再有高杞一路勁兵攔截諒不難一戰殲除高杞接奉此旨卽星速遄行勿稍延悞一將竄賊剿淨先由六百里馳奏

嘉慶十八年十一月十八日軍機大臣字寄奉

上諭據方受疇奏盤獲賊匪司建魁訊據供稱首逆李文成於十月內逃至宋姓賊營欲竄往山東因長垣一帶有官兵堵截卽往迤西封邱陽武一路欲奔太行山並

供稱李文成左眼有病因腿受刑傷不能行走現係坐車等語現在此股賊匪復由封邱折回向輝縣等處奔竄該逆李文成仍在其內亦未可定高杞現帶兵迎剿著飭知將領等於進剿時留心緝拏該逆左眼有病腿受刑傷行走不便易於識認毋令漏網本日又據托津奏稱獲犯魏得中供稱賊目劉懋明等十月三十日將李文成接出滑城回至南湖暫住於初二日夜帶領多人要往山東曹縣扈家集朱成貴家養病等語已降旨諭令同興迅速查拏但該犯等行踪詭詐是否逃赴曹縣抑或仍在豫省賊夥之內尙難憑信那彥成等當詳

細查探務期弋獲該逆李文成與劉惲明同在一處劉惲明亦係緊要賊目一併嚴飭緝拏若將該二犯同時緝獲將劉惲明一犯訊明錄供具奏卽於該處正法其李文成一犯仍遵前旨派員解京盡法處治

嘉慶十八年十一月二十日會同叅贊大臣熱河都統高公杞叅贊大臣固原提督楊公遇春

奏爲連日圍攻滑城及分兵截剿長垣竄匪情形恭摺
奏

聞事竊臣等圍攻滑城亟籌攻取各緣由業於本月十一日奏蒙

聖鑒十二日派出官兵攻打北門十六日又攻南門使賊人習以爲常以便攻其不備至十九日臣與高杞楊遇春親督鎮將齊攻五門並於城外礮臺用大礮轟擊城垣及令趨捷兵丁各用擋牌遮蔽矢石又派兵丁藏身木斗之內下用輪盤推至城牆根下刨挖城磚一面官兵齊發鎗礮吶喊直前城上百姓見之驚慌紛紛縋城投出詎賊匪鳴鑼呼號賊衆悉力抗拒鎗礮矢石紛下如雨我兵奮勇攻打鎗箭所及約斃城上賊匪二百人所用擋牌木斗間被賊匪用大石擊碎及拋擲草把焚燒連日

以來弁兵多有傷亡臣等萬分憤恨同深切齒現

復於各門外添挖濠溝一道加排鹿角一層嚴密

合圍總不使賊竄越至長垣一股竄匪前由封邱

延津陽武一帶滋擾臣等恐其西竄太行當卽分

派富僧德特依順保楊芳同德寧阿等先後帶兵

馳往截剿並令大同鎮張績在懷慶嚴行防堵具

奏在案嗣後探報該匪因迤西一帶兵勇防禦嚴密復

由獲嘉新鄉北竄輝縣十七日竄至林縣之臨淇

鎮燕河焚掠前已派楊芳特依順保等帶兵前往

又派色爾滾德寧阿帶領吉林黑龍江官兵一千

硃 硃

名又蘭州靜寧續到官兵一千名均飭令由彰德

甚足

一帶顧住北面會同迎頭抄截今據楊芳等稟報

已於十八日由淇縣一帶入山截剿可以顧住北

面等情日內一經接仗必可得手

臣

等再行馳

奏外至此時圍城帶兵之人

臣

等仍將富僧德調回大

營此次攻城時縋下難民除被賊截回傷斃外其

赴營投到者尚有五千餘人已飭委員訊明發縣

安插富僧德左臂帶鎗傷僅傷肉皮不重此外傷

亡弁兵另容查明咨部辦理再接托津來信已由

開州帶兵三千一百名移駐德州並令總兵徐錕

赴開州防堵等語

臣

已飛飭徐錕前往開州實力

防守謹

奏

嘉慶十八年十一月二十日會同叅贊大臣熱河

都統高公杞叅贊大臣固原提督楊公遇春

硃

奏爲凱捷時當先將健銳火器營官兵遣令回京其餘

察看情形徐徐議撤斷不敢以滑城一克稍存草

率彼時萬一有蠢動之處

臣

等三人當與托津分

帶官兵馳往勦捕總當趁此兵威剷除萌蘖不致

再有蔓延倘彼時無須勦捕亦卽分兵於扼要之

殊

大名衛輝曹州等處分別駐劄傳令各村民舉出匪徒或按名縛獻查官兵自攻克道口後村民擒賊送營者陸續正法已不下千餘若滑城一克宣布

皇上恩威自更易於辦理又富僧德特依順保前此截剿長垣一股竄匪所有鎗斃劉姓賊目及坐車賊首

殊

據獲犯供稱劉姓是劉二當家不知名字此股賊首聞係劉愷明又有賊首三四人同竄實不知姓名等供又前次投出之難民三百餘人先已逐細盤查發交衛輝府督縣造冊妥爲安插其隨營之

二十餘人現亦一併遣散不致奸宄混迹又奉

頒賞出力義民碑礪頂金頂隨時賞給記檔統俟事竣報

部查核謹

奏奉

硃批覽

嘉慶十八年十一月二十日

奏爲遵

旨覆奏事本月十九日奉到

上諭以封邱竄匪奔至輝縣恐由淇縣一帶奔入彰德著
特派高杞色爾滾等統率吉林黑龍江官兵繞道前赴

輝縣一帶確探賊踪迎頭由北向南截剿此一股竄匪
不過千餘人有特依順保楊芳等跟踪緊躡再有高杞
一路勁兵攔截諒不難一戰殲除欽此高杞等與臣面
商卽欲欽遵

諭旨分兵馳往堵剿臣再三斟酌此時賊匪已竄林縣距
滑縣軍營已二百餘里之遙現計特依順保楊芳
等已由彰德一路入山顧住北面相距賊匪不遠
色爾滾等臣業已派去諒早晚卽可接仗此等奔
竄賊匪不難一鼓殲除至刻下圍攻滑城正當萬
分喫緊之際軍營兵力不敷布置久在

聖明洞鑒之中今如令高杞馳赴輝縣林縣一帶必須帶

兵而此間之兵分則見單實屬難以撥派

臣愚昧

之見事有權宜礙難顧此失彼所有林縣竄匪

臣

已責成特依順保德寧阿楊芳色爾滾等併力截

剿一經剿散務卽追踪緊躡以盡根株斷不稍留

餘孽所有高杞應請仍留滑縣軍營

臣

及楊遇春

無分晝夜稽查防範再會商復城事宜趕緊籌辦

似與軍務有裨此摺

臣

已面交高杞閱看並與楊

遇春商酌意見相同理合繕摺謹

奏

嘉慶十八年十一月二十一日軍機大臣字寄奉

上諭朕聞滑城屯踞之賊經那彥成等設立長圍挑浚深濠防守嚴密以杜賊匪旁竄長圍已合想乘勢進攻且晚卽可克復惟日來所最厯念者係由封邱西竄一股賊匪節據托津同興奏訊取賊供係賊劉惲明於十一月初一日將李文成由滑城北門接出坐車逃走先至南湖次日帶領夥賊西竄劉惲明沿途護送並有呂均台王學義羅惲旺王金斗宋克俊等同行本日又據章煦奏接據磁州稟報該逆等在封邱搶掠後竄至輝縣林縣交界之十八盤賊衆萬數直趨林縣等語李文成

硃

係爲首賊目前從滑城逃出尙在大兵未經合圍之先
朕亦不以此咎責那彥成等惟該逆夥同劉愾明等狼
奔西竄已至林縣林縣在太行山麓賊夥竄至其地不
西奔潞安卽北竄磁州武安該一帶路徑紛歧賊匪一
入其中驀林越澗追剿又費時日那彥成前派去之富
僧德特依順保等打仗雖屬勇往不能相機攔截昨特
降諭旨派高杞帶領吉林黑龍江官兵前往專辦此股
賊匪此旨到時如高杞業已分兵前往那彥成卽將此
次飭催諭旨飛行寄交閱看若高杞尙未起程著立刻
兼程馳往不得片刻遲延違悞朕旨决不輕恕此時賊

隊已至林縣入山甚易高杞能設法繞在賊前遏其去路方稱得手否則追及賊匪併力勦殺李文成腿受刑傷現坐四套大車不能騎馬行走諒不能十分迅速吉林黑龍江馬隊馳逐猛迅斷無不能追及之理此事專責成高杞辦理伊若能將此股賊匪勦淨並將賊首李文成賊目劉幗明等按數擒獲則高杞之功甚大朕必渥施厚恩若行走遲緩在後尾追縱賊入山亦惟高杞是問至林縣迤北卽係直隸磁州廣平順德地界本日已由六百里加緊降旨諭令托津帶兵由北堵勦高杞探知賊匪向何路奔逸就近飛速知會托津迎頭攔截

以收兩面夾擊之效

嘉慶十八年十一月二十三日軍機大臣字寄奉

上諭那彥成等奏連日圍攻滑縣情形一摺覽奏俱悉那
彥成等於十九日親督將士進攻因滑城賊衆抵死拒
守尙未克復添挖溝濬力未見有土成竄逸該逆等困
獸雖鬪諒亦不能多延時日惟由封邱竄往之賊現在
輝縣之十八盤擾及林縣該逆不西竄太行卽恐北竄
碓

而那彥成漢不關心是何意見

磁州一帶關係甚鉅前兩降諭旨令高杞迅卽前往督
辦乃本日摺內那彥成以現有特依順保德寧阿楊芳
色爾滾等併力截剿請留高杞在滑縣軍營督辦攻城

殊 殊

事宜所辦非是特依順保等四人分屬將領彼此不相
統轄其於帶兵打仗雖尙勇往至於調度機宜恐未能
悉協現在此股賊內有首逆李文成最關緊要務須確
實殲擒助惡之劉_x幗明等亦必應按名捕戮伊等於接
仗之外查犯訊供皆非所能且俱不准奏事一切軍情
賊勢必俟轉報那彥成再行奏聞豈不道路紆折是以
特派高杞前往統率辦理以便隨時酌量機宜迅速具
奏若謂高杞馳赴輝縣必須挑帶官兵正當圍城喫緊
之時恐分兵力則現在特依順保等所帶之兵皆係勁
旅爲數已多高杞不過酌帶弁兵數十名跟隨前往到

硃

彼後就該處兵力足敷調遣又何必分滑營之兵乎朕因此股竄匪日深厯念特將高杞指名派往伊等不卽遵辦遲悞事機此旨到後如西竄之賊業經特依順保德寧阿楊芳色爾滾等兜剿完竣或已攔回滑濬一帶則已如尙未得手著高杞遵旨起程馳往林縣一帶督

迅速

硃

率辦理一切軍務及查訊逆犯下落均由高杞奏報若再遷延違旨不卽起程必將那彥成高杞二人一併革

再下輕想

職拏問凜之其另片所奏滑城收復之後先將健銳火器營官兵凱撤回京伊三人仍復率官兵在扼要之大名衛輝曹州等處分別駐劄督搜餘匪皆遵前旨妥辦

其覆奏查拏各要犯於牛亮臣一犯未據提及該逆或現隨李文成劉愾明西竄或仍與徐安愾朱成貴同在滑城並著於克城後查明實在下落擒拏務獲毋任漏網

嘉慶十八年十一月二十一日會同叅贊大臣熱

硃

河都統高公杞叅贊大臣固原提督楊公遇春

隨奏欽此

奏爲分兵輝縣截剿長垣竄匪殲擒殆盡大獲勝仗緣

由恭摺馳

硃

奏竊

臣

將圍攻滑城及截剿長垣竄匪情形於本月二

十日馳奏後隨據楊芳特依順保等稟報該鎮等

硃

硃

硃

會同德寧阿色爾滾合兵一處自北而南於十八日由淇縣之大廟口迎頭截剿沿途拏獲賊探訊知賊衆四千餘人在輝縣山內之司寨地方屯聚內有戰手三四百人極爲強壯騎馬甚多該匪將司寨攻破佔踞背山臨川濠深牆固以爲負隅之計是日有賊二千餘人赴林縣之臨淇鎮滋擾聞前有官兵攔截仍折回司寨拒守該鎮等會同商議挑選舊勇步隊六百名先於白土岡前山坳之中各分兩翼埋伏十九日黎明先派侍衛蘇倫保游擊齊慎都司趙起貴守備張作功等帶兵四百

殊

名前赴司寨誘敵賊見我兵甚少寨內卽有賊匪
三千餘人蜂擁前來內騎馬者三百餘人有賊首
四五人各執大白旗當先冲笑勢甚凶悍蘇倫保
等帶兵回馬誘賊詎賊匪恃衆直前至白土岡已
入伏中楊芳特依順保各帶步隊伏兵兩翼齊出
鎗箭並發蘇倫保等回身併力攻擊賊匪抵死不
退德寧阿色爾滾吉林黑龍江馬隊突出冲殺鎗
箭所及人馬無不立斃約計殺賊五六百名賊始
驚慌奔竄官兵大隊追殺數里該匪退至南首山
梁拋擲石塊仍復向下力撲我兵奮勇仰攻不避

殊

大快人心

硃 硃 硃 硃 硃

硃

硃

硃

硃

硃

矢石登時搶上山梁侍衛伊爾通阿札蘭保蘇清
阿吉勒彰阿副將會受遊擊安惠熊敏謙都司馬
鳴謙守備杜雋童順等分帶馬步兵丁從山巔抄
出山前平地截住去路上下夾攻殺賊一千三四
百人蘭州督標及固原提標官兵沿山趕殺尤爲
趨捷餘匪僅存八九百人竄出平地我兵前後兜
圍又殺斃四五百人其餘滾崖落澗者無數約計
逃回賊寨者僅止一百數十人官兵乘勝直抵司
寨四面圍攻計此次打仗自辰至酉共殺賊二千
四五百人生擒二百餘人奪獲鎗矛旗幟馬匹無

硃 硃

算現在訊據活賊供稱寨內尙存賊匪五六百人
鎗礮齊全有首逆李文成並大頭目在內等情

臣

等查此股竄匪由長垣延津陽武新鄉獲嘉等處
沿途滋擾所裹脅者諒係各處伏而未起從教之
人今官兵一經接仗卽將賊匪殲擒殆盡該匪困
守司寨自可卽日掃除軍威所懾由此至彰德順
德西北一帶伏莽望風潛消更可少息謠言至前
奉

諭旨以此股竄匪必有著名賊目在內今訊知首逆李文
成果在其內仰見

聖主洞燭指示機先亟應設法生擒解京正法

臣

等於該

逆左眼有病腿受刑傷行走不便之處先已飛飭

楊芳等留心辨認本日奉到

上諭以方受疇獲犯刁建魁供出李文成形狀踪跡飭令

詳悉查探務期弋獲欽此核與軍營獲犯所供無異復

飛飭楊芳等務將該逆李文成同劉幗明一犯趕

緊擒獲斷不令其漏網至此次報斃賊匪戰手其

中著名賊目諒必不少緣楊芳等軍行緊急據稟

尙須查驗明白再行稟報其生擒賊匪二百餘人

已飭令解營嚴訊供詞另容具

硃

疏

朕之子弟精兵也

奏此次打仗吉林黑龍江官兵馬隊極為驍勇鎗箭無一虛發蘭州督標固原提標官兵亦甚奮勇出力且有一人而殺十數名賊匪者是以殲戮所加賊之精銳已盡此股竄匪一淨則滑縣之外再無成股賊匪賊人勢孤我兵毫無牽綴更可併力攻城旦晚可期集事日內如果生擒李文成及著名大頭目等再行由六百里加緊具

奏至此次官兵受傷者纔有六七十人仰托

皇上洪福亦均不重俟查明咨部辦理謹繕摺由六百里

馳

奏奉

硃批印感

天恩不盡卽有旨

嘉慶十八年十一月二十四日奉

上諭那彥成等奏分兵輝縣截剿竄匪大獲勝仗一摺豫省滑城以外各村賊匪經官兵屢次痛剿殲戮殆盡惟餘竄匪一股由封邱折竄輝縣擾及林縣訊據賊供賊首李文成卽在其內經那彥成等分派特依順保楊芳續派德寧阿色爾滾帶領吉林黑龍江馬隊並蘭州固原兵丁馳往勦辦茲據奏該將領等合併一處自北而

南山淇縣之大廟口迎頭截剿賊衆四千餘人在輝縣
山內之司寨地方屯聚該將領等挑選官兵分爲兩翼
先於山坳埋伏侍衛蘇倫保等前往誘敵賊匪三千餘
人蜂擁前來賊首四五人各執大白旗當先衝突經特
依順保楊芳各帶步隊伏兵兩翼齊出鎗箭並發蘇倫
保等回身併力攻擊德寧阿色爾滾各帶吉林黑龍江
馬隊突前冲殺立斃賊五六百名官兵奮勇搶據山梁
侍衛伊爾通阿等又分帶馬步兵丁從山嶺抄出山前
截住去路上下夾攻又殺賊一千三四百名蘭州固原
官兵沿山趕殺復斃賊四五百人其餘滾巖落澗者無

數約計逃回賊寨者僅止一百數十人官兵乘勝直抵
司寨併力圍攻計此次打仗共殺賊二千四五百名生
擒二百餘名奪獲鎗矛旗幟馬匹無算訊據獲賊供稱
寨內尙存賊匪五六百人首逆李文成並各賊目俱潛
伏在內此股鼠匪經該將領等奮勇剿殺殲擒殆盡其
屬可嘉德寧阿色爾滾特依順保楊芳四人著加恩各
賞給四喜玉搬指一箇花大荷包一對小荷包二箇仍
俱交部議敘侍衛伊爾通阿札蘭保蘇清阿吉勒彰阿
副將會受遊擊安惠熊敏謙都司馬鳴謙守備杜雋童
順打仗出力俱著交部議敘官兵受傷者七人照頭等

傷給賞現在逆首李文成已因司寨官兵奮力圍攻卽日成擒著那彥成等於破寨擒渠後將奮勇出力各弁兵一併查明據實開單保奏候朕施恩

嘉慶十八年十一月二十四日軍機大臣字寄奉上諭那彥成等奏分兵輝縣截勦竄匪殲擒殆盡大獲勝仗一招覽奏欣慰已明降諭旨加恩矣此股竄匪經官兵勦擒二千數百名餘匪無多困城守寨自可卽日悉數殲除該逆李文成現在此股賊內該督等當嚴飭楊芳等於攻破賊寨時留心擒捕毋令漏網就獲後卽遵照前旨嚴密鎖鑰解京其賊目劉愾明一犯亦係著名

首逆前據獲賊供稱該逆亦在此股賊內並著於擒獲後一併解京計此旨到時楊芳等自己攻克賊寨掃數辦竣高杞自可無庸前往司寨賊巢既破則滑城外援已絕毫無牽制之虞事機順利那彥成等當鼓勵將領兵丁併力圍攻滑城以期一鼓克復將賊匪聚而殲旃其逆首徐安幟等於城破之後務須留心擒捕毋任一名漏網應解京者遵前旨嚴密解京軍務大局平定托津前赴滑縣軍營彼時那彥成等會同熟商先將健銳火器二營京兵凱撤回京再將如何各帶將領弁兵分投駐劄之處遵旨悉心妥酌辦理以靖餘氛

嘉慶十八年十一月二十二日會同叅贊大臣熱

河都統高公杞叅贊大臣固原提督楊公遇春

硃 硃

奏爲官兵截剿長垣竄匪全數殄滅殲斃逆首李文成
及賊首劉惻明恭摺由六百里加緊馳

奏仰慰

聖懷事竊臣等派出之總兵楊芳特依順保等昨在輝縣

司寨地方將長垣竄匪殲擒殆盡大獲勝仗緣由

業於本月二十一日馳

奏在案茲據稟報該鎮等於十九日將司寨村莊嚴密

圍攻後賊匪拒守不出二十日黎明督率官兵奮

勇攻打屢次越濠攀牆皆被鎗石所阻直至巳刻復於司寨之後面督令健勇兵丁齊力挖牆詎賊匪鎗石如雨

硃

硃

乾清門侍衛伊爾通阿面帶鎗傷五處胸傷一處吉林

仰何處自

委叅領富林德越牆被戕綠營官兵受傷居多我

兵勇氣益奮不避鎗石至未刻始挖毀寨牆一段

該匪復用門板磚木抵塞滿漢官兵併力衝入一

擁而登鎗箭並發將賊匪壓下寨牆寨門街道逼

窄短兵相接賊勢不支紛紛避匿民房悉力抵拒

查司寨共有民房二百數十間縱橫高聳皆係磚

石砌就又有碇樓七八處堅不可破賊匪據險擲
石鎗礮亂發我兵復受傷數十名時已酉末該鎮
等誠恐逆首黑夜竄逃萬不得已始行四圍舉火
且焚且攻賊匪有冒烟突火及焦頭爛額而出者
共生擒二百餘名詰訊逆首李文成同大頭目等
果避房內樓上尙未被焚楊芳特依順保色爾滾
德寧阿等率衆直入首先登樓樓上突有一賊自
稱劉幗明持刀躍出連傷兵丁二名官兵始行開
鎗將劉幗明擊斃並喝令李文成如果投出餘賊
均皆免死該逆首自出指稱李文成在此只管用

殊

殊

殊

殊

殊

鎗來打我斷不出來等語兵丁等聞聲俱各持刀
撲進詎該逆首自己舉火焚燒賊衆四五十人羣
相擁抱致將該逆首壓斃計寨內賊匪約共七八
百人並無一名得脫者屍骸枕籍隨於積屍中逐
加查檢次日黎明令擒獲活賊詳細辨認內檢出
李文成屍身一軀年貌相符頭繫網巾屍身係屬
完全兩足夾爛傷痕顯然尙用膏藥敷貼綿布包
裹左目有傷面帶鎗箭傷據活賊僉供的係李文
成屍身衆口同聲指認是實又檢出賊首劉懋明
屍身一軀亦令活賊辨認無誤並據供稱此股著

殊

名賊首除李文成劉愾明外餘係王修治宋老秀

殊

韓得衆劉愾泰衛揚名下各管戰手千餘人等語

殊

復於積屍內檢出王修治宋老秀屍身亦令活賊

殊

認明是實又於擒獲活賊中認出韓得衆劉愾泰

衛揚三名不惟衆供確鑿且自認不諱餘賊概已

燒斃實屬無從辨認奪獲鎗礮刀矛旗幟無數併

獲大白旗一面偽書大明天順李真主字樣現將

殊

活賊韓得衆劉愾泰衛揚三犯同挑出正賊二十

餘名及李文成劉愾明等屍身解送大營聽候驗

訊等情臣等查此股竄匪滋擾封邱陽武延津獲

嘉新鄉輝縣等處并及林縣之臨淇鎮意圖北竄相距直隸邊界不遠勢甚鴟張關係非小臣等實深焦急且因此分我兵力以致滑城尙未卽下實爲可恨今此將三四千賊衆三次接仗剿滅無遺事機極爲順利惟臣等疊奉

上諭嚴飭該鎮將等務將首逆設法生擒以便解京恭候廷訊今未能生致渠魁辦理究未妥協惟思賊匪初由長垣奔竄不過千餘嗣後裹脅愈多聚至三四千之衆除難民外多係封邱延津陽武等處習教樂從之賊今此股旣已淨盡兵威大震則西北一帶

人心可以鎮定伏莽之心潛消臣等現復飛飭楊芳等在於輝縣就近嚴捕零匪務盡根株是即日撤兵回至大營是可併力攻城尅期收復至此次擒獲活賊自應欽遵

諭旨於訊供後解交廣厚審奏惟衛輝距營九十里臣已札致廣厚卽囑其前來軍營俟賊犯解到會同嚴切審訊并將李文成屍身會同廣厚親自查驗令其再行具奏此次陣亡吉林兵丁三名及綠營弁兵多有受傷者另容查明各部辦理合併陳明謹繕摺由六百里加緊馳

奏奉

硃批卽有恩旨

嘉慶十八年十一月二十五日奉

上諭那彥成等奏官兵截剿輝縣竄匪全數殄滅殲斃逆
首李文成及賊首劉愾明一摺所辦可嘉之至本年九
月十五日之事逆首林清與李文成二人內外勾結約
定同日起事適李文成在原籍滑縣被知縣強克捷訪
拏刑訊其黨羽見事已敗露不能待至九月十五日之
期卽劫獄戕官揭竿倡亂林清在京謀逆外援不至迅
就捕誅而李文成在豫省指揮逆黨四出焚劫直隸長

垣東明山東定陶曹縣等處同時蜂起戕害生靈經朕
簡派領兵大員調集數萬官兵會同勦捕該逆李文成
潛伏滑城見官兵連獲勝仗於未經合圍之先賊黨劉
幗明等乘夜將該逆擁護出城另糾夥衆數千人由封
邱延津修武竄至輝縣希圖入山奔逸若使遂其奸謀
則滋蔓難圖朕之良民受其荼毒者又不知幾千萬人
正在厯念適朕前派之吉林黑龍江馬隊官兵星馳到
豫邵彥成等派令德寧阿色爾滾帶領遑追又有楊芳
特依順保二人管帶蘭州固原勁兵前往合勦追至輝
縣司寨山中殲戮賊匪二千餘人首逆李文成率同賊

目劉幘明等數百人負嵎死守本日接那彥成六百里
加緊奏報德寧阿楊芳等統率滿漢官兵奮力攻擊不
避鎗石拆毀寨牆一擁而登生擒賊匪二百餘名李文
成避入樓房楊芳特依順保色爾滾德寧阿率衆直入
該逆等無可逃避劉幘明自稱其名持刀躍出被官兵
用鎗擊斃李文成亦對衆稱名舉火自焚經官兵搶出
業已壓斃查驗屍身刑傷痕跡顯然其餘賊目及從逆
夥黨五六百人全行殲戮並無一名漏網實足以彰國
憲而快人心該將領及滿漢官兵等倍常奮勇宜加優
獎色爾滾德寧阿着加恩各賞加都統銜楊芳特依順

保著加恩賞加提督銜卽先換一品頂戴該四員仍俱賞給雲騎尉世職其中有世職者准其再兼一雲騎尉乾清門三等侍衛伊爾通阿身受六傷賈勇力戰著加恩超陞爲乾清門頭等侍衛仍賞給勁勇巴圖魯名號再加賞四喜玉搬指一箇花大荷包一對小荷包二箇又發去玉柄小刀十把磁瑯翎管十箇磁翎管十箇磁搬指套十箇分賞出力官弁二兩重銀鏤二百箇五錢重銀鏤二百箇一兩重銀牌一百面五錢重銀牌一百面分賞出力兵丁仍著那彥成等秉公查明官弁兵丁內奮勇出力應獎擢者據實保奏候朕施恩陣亡之吉

林委叅領富林德著加等照叅領例賜卹逆首李文成著於剉屍後傳首河南直隸山東滋事地方示衆劉憫明亦著剉屍梟示其餘擒獲賊目韓得衆等審明卽於該處正法此股竄匪洗蕩淨盡殲厥渠魁滑城長圍已合餘賊聞風喪膽著那彥成等迅速進攻竄倭捷音再加懋賞將此通諭中外知之

嘉慶十八年十一月二十五日軍機大臣字寄奉上諭據那彥成等奏官兵截剿竄匪全數殄滅無遺並殲斃逆首李文成及賊目劉憫明二犯一摺覽奏可嘉之至已明降諭旨將德寧阿等分別施恩以示懋獎矣此

股西竄賊匪經那彥成派令楊芳特依順保德寧阿色爾滾率領官兵奮勇追剿數日之間卽將首夥賊匪悉數殲除辦理安速事機極爲順利此時首逆已除滑城賊匪自必聞風膽落楊芳等搜捕事竣想已帶領勝兵回營那彥成等當乘此軍威合力進剿指日摧堅盪寇一舉克復朕惟佇盼捷音之至此次殲獲賊匪除首逆李文成等在軍營剝屍傳首梟示外其餘無名賊目不值解京着那彥成等於審明後卽在軍營正法其應訊獲犯據那彥成奏稱札致廣厚前來軍營審訊廣厚到後計滑城亦卽攻破所有應訊要犯廣厚幫同訊明卽

令來京陛見速回湖南本任可也

謹按嘉慶十八年十一月二十七日廷寄內奉

上諭滑城克復後善後章程卽有搜捕零匪等事有那彥成高杞楊遇春三人在彼足敷分營督辦現在京城辦事人少托津卽可先行回京供職彼時著遵照前旨先將京兵一千名凱撤交托津與原派領隊慶祥等四人

殊

仍分四隊

回京再陝西西鄉城固等縣現有交朱勲查拏教匪陝西地方緊急各處官兵調出者不少富僧德昨因打仗受傷滑城既克後西安滿洲官兵亦可先撤著卽令富僧德管帶回營藉可彈壓地方鎮靜人心又直隸各營

官兵出征者共有六七千名各處城守亦覺空虛那彥成係直隸總督並著將不甚得力之兵先撤回一二千名交直隸鎮將帶回各歸本汛以資鎮撫其吉林黑龍江馬隊並甘肅蘭州固原得力之兵留爲分營駐紮搜捕零匪之用統俟餘匪淨盡地方實可放心再全行凱撤可也

嘉慶十八年十一月三十日會同叅贊大臣熱河都統高公杞叅贊大臣固原提督楊公遇春

奏爲逆首就殲遵

旨驗明辦理恭摺覆

奏事竊

臣

等將勦滅長垣竄匪殲斃逆首賊首各緣由

繕摺馳奏後據特依順保楊芳等將逆首李文成并賊首劉惲明宋老秀王修治等屍身及活賊韓得中等二十八名解到時廣厚已由衛輝來營當卽會同查驗并詳加辨認逆首李文成屍身確鑿無疑劉惲明等屍身亦經驗明是實所有驗訊情形現由廣厚具

奏外二十八日奉到前摺

批迴

諭旨當將該逆李文成梟首剉屍仍傳首三省被擾地方

以紓衆憤而彰

國法并將已斃賊首劉綱明劉屍梟示一面刊刻告示
曉諭三省民人俾知逆首已就殲除人心亦從此
鎮定所有白土岡司寨兩次擒獲活賊四百餘名
內受傷甚重及無關要供者均已就地正法外現
據解到之韓得衆等二十八名亦已審明辦理又
據司寨附近村民擒獻零匪七八十名同各營卡
拏獲五十餘名均經楊芳等先後正法又輝縣獲
解十六名亦經飭令地方官就近於衛輝郡城一
併正法至原派防山之山西兵三百名已飭令叅

將雙福管帶暫留司寨彈壓稽查再加搜捕其楊芳等原帶之兵均已撤回大營臣等惟當遵

旨迅速進攻尅期收復再總兵徐錕前於後寨續獲賊目單應乾等五十二名業已解營審訊正法至牛亮臣一犯現在城中又王倫一犯除飭衛輝府訪拏外仍遵

旨添派幹員分投嚴緝謹

奏

嘉慶十八年十二月初五日會同叅贊大臣熱河都統高公杞叅贊大臣固原提督楊公遇春

奏爲連日圍攻滑城情形竊_臣等勦滅司寨賊衆殲斃

首逆後卽將官兵撤回滑縣併力攻城業經具

奏在案連日以來各門礮臺每有擊斃賊匪及轟落城

磚者緣城郭甚堅僅礮外層磚皮急切不能摧破

經_臣等派吉林官兵伏於礮臺之後及濠溝內一

見賊匪在城露面卽行放鎗無不應手立倒賊匪

不敢露面僅藏於礮眼內放鎗亦多被吉林兵鎗

斃十餘日來每日所殲約計三五十人不等又於

各門派撥兵夫暗挖地道中置地雷火藥以備轟

城其東門一處係派格布舍及遊擊萬彪督辦又

城之西南角一處係派楊芳桑吉斯塔爾督辦楊芳紮營之處逼近西南城角不過數丈復又堆積沙土布袋初二日正令官兵攀躋而登詎賊匪情急鎗礮亂發復拋下斷碑巨石等項致將地道打塌現仍從旁道紆迴挖掘一路明挖一路暗進使賊匪不及窺測又東門地道一處已經挖進外城賊匪未經知覺因恐官兵爬城於夜間擲炬瞭望草把適墜空穴之中地雷猝發內外俱焚礮斃城內賊匪無數官兵正在地道之中亦被焚燒千總任起鳳把總朱祥李登高及兵丁人夫等十餘名

殊

俱各部勝郎

硃

彼時方安火藥於穴內未能堵口是以其力不大
僅轟破外皮城牆二三丈臣等親督官兵仰攻直
上詎賊匪復趕緊將城牆裂處挖斷未能得手至
初三日三更月黑之時復有賊數百人潛出北門
時遊擊呂天俸所管礮臺在西北角去城最近該
匪拋擲火彈欲焚燒礮臺臣等傳令各營不許燃
火分投督率各門官兵嚴行堵截馬元特依順保
防守北門先行帶兵截住正在相持呂天俸卽於
礮臺開礮擲石轟擊賊匪直前抗拒叅將札勒杭
阿都司彭啟貴相近呂天俸礮臺亦卽帶兵接應

衝殺斃賊約數十人賊向城東奔竄德寧阿復率
吉林黑龍江官兵鎗箭齊施又斃賊匪無數衆兵
併力競進賊始倉皇竄回北門官兵因在黑夜不
便追趕入城次早查知自北門營卡以至城根血
跡遍地尙有傷重倒地賊匪十三名隨即正法官
兵亦因黑夜殺賊間有傷亡統容查明咨部外查
東西各門官兵劄營均已切近城根惟南門北門
以外皆係葦蕩泥渰之地不能近城僅於葦蕩中
間擇其地上稍燥者劄營堵截又北門外地勢寬
濶一望無垠是以賊匪屢出北門希圖滋擾而不

敢逕撲營盤者亦因地土泥濘難以駐足之故經
此次各營官兵併力截殺之後諒不能再出滋擾
至_臣等察看大局情形現在城中賊匪明知逆首
已殲外援已絕大兵四面圍攻別無生路是以負
隅抗拒其守益堅查賊匪佔據道口之時已先將
該處糧食運貯城內其口食自尙有餘惟賊匪之
馬草乏絕卽使出城逃竄馬匹已疲諒步行奔走
者多以官兵馬隊及吉林黑龍江馬隊追拏斷無
免脫况_臣等於各門外先已挖掘濠溝二道通排
鹿角二層逐段分派官兵節節防堵於附近各村

莊先伏羲勇諭以破城之日如有零匪逃出立即
細縛獻出加以重賞能得賊首者保奏官職村民
志切同仇俱皆踴躍聽命是彼時卽有逆匪亦難
一名漏網總之此時賊匪如果出城拒敵則官兵
雲集轉可聚而殲旃迅速藏事惟其狡詐異常悉
力死守實爲可恨此時事在垂成臣等益當慎之
又慎不敢稍有草率現在晝夜籌維實深焦急惟
有另行設法竭力進攻早一日破城卽可早一日
竣事以期仰慰

聖懷謹

奏奉

硃批頓兵堅城之下已月餘矣况新年已近外藩俱集必得旬日之內殲除淨盡不可再遲所有指名嚴緝各逆犯不可令其漏網汝三人合力同心奮勉迅速辦理朕惟計日以待捷音實深焦急汝三人不可稍有耽延愼重妥速爲要

嘉慶十八年十二月初九日軍機大臣字寄奉

上諭官兵自前月初三日圍攻滑城將及四旬尙未攻克現在年節已近蒙古外藩均陸續到京朕已面諭伊等以那彥成等圍困滑城指日克復軍務卽可告蒧伊等

同深欣盼豈可再有遲延且近日京外謠言甚多往往詭稱伏匿之賊糾約訂期起事其言固不可信而究其所以造爲此言者皆係滑城久未攻克逆黨一日稽誅則人心一日不定如將滑城賊匪剋期掃除淨盡則伏莽全消訛言不禁而自息本日據章煦奏到首逆馮克善一犯已於本月初四日在獻縣拏獲因章煦辦事認真已降旨賞給官銜仍從優議敘並將獲犯官弁加等獎擢那彥成等身膺重寄宜尙欲效從前陋習於軍營度歲宴樂不思早奏成功仰慰朕懷乎該督等接奉此旨務卽鼓勵將士上緊進攻至遲亦不得過本月二十

日俟捷報到時佇膺懋賞至馮克善雖已就獲其師傅
唐鬍子尙在解梁該犯有保朱璽霜卽朱大槐於臘月
十九日在彼起事之說現在匪十九日不過一句那彦
成等前已差人前往偵探此旨到後著高杞酌量或先
帶山西及西安馬隊之兵向晉省緩程行走昨已降旨
銜齡令其隨時知會萬一唐鬍子有蠢動信息卽迅速
馳赴前途奮力勦辦目下圍攻滑城緊要之時正資兵
力高杞處自不能分兵太多若滑城已克那彥成等量
加添撥高杞行至山西如唐鬍子業已就獲地方寧靜
卽將所帶山西官兵就近飭令歸伍其西安馬隊亦令

原帶之員就近凱撤高杞卽由晉省取道回京復命至直隸邊界地方現在有馬瑜富蘭閻俊烈徐銀劉榮慶五人在彼分營駐紮足資防堵京城年節事繁辦事需人托津接奉此旨著輕騎減從卽日前赴滑縣軍營與那彥成會商善後事宜無論城克與否但探明他處別無煽亂之事卽起程回京其健銳火器營官兵那彥成等俟攻克滑城後仍交原派管帶之慶祥等帶領先行凱撤還京可也

謹按嘉慶十八年十二月初五日癸酉
奏所有圍攻滑城情形現已另摺具

奏至賊匪死守孤城斷無竄逸之路臣等惟當百計攻

取不敢稽延此時賊匪被圍即使將來少有零星
竄逸亦不能西入太行所有大同鎮防守山旺莊
之兵似可

飭令撤回本省以資彈壓設使有事亦可就近備調可否
之處仍祈

聖明指示伏乞

睿鑒謹

奏奉

硃批總俟賊匪淨盡方可撤回此時尙早

嘉慶十八年十二月初九日會同叅贊大臣熱河

都統高公杞叅贊大臣固原提督楊公遇春

殊

奏爲圍攻滑城擒獲著名賊首黃興宰恭摺奏

具好

聞事竊照官兵圍攻滑城情形業於本月初五日具

奏在案初七日夜間賊匪先在東門城上鳴鑼旋有數

十人直撲遊擊李建勲營盤經官兵鎗箭打退而

東南楊芳桑吉斯塔爾營外又有賊數百人前來

滋擾官兵開礮轟擊

臣

等卽派特依順保慶祥張

大振祁祥等出營截剿德靈阿色爾滾亦至我兵

越過濠溝奮勇剿殺賊匪始猶抗拒各門官兵及

知縣孟昞瞻所帶鄉勇齊聲接應賊始退回官兵
乘勢追趕殺斃賊匪約五六十名生擒九名次早
於查點鄉勇隊內復又查獲黃興宰一犯臣等查
黃興宰黃興相均係滑城首先起事要犯奉

旨嚴飭查拏內黃興相一犯已於道口燒斃先經奏報有
案茲提黃興宰逐一嚴訊據供滑縣黃家莊人胞
弟黃興相均從牛亮臣入教九月初七日宋元成
卽宋老占同徐老四徐老八等欲到縣監劫出李
文成約會我等共有八九百人一齊動手就佔了
滑城李文成封我弟兄俱爲兌官伯屢次打仗共

殊

拒傷兵勇六人黃興相把守道口十月二十七日
聽說被官兵燒死我從道口逃回滑城官兵將我
圍困日日攻打又聞李文成已被殺死衆人心慌
因搬來道口糧食甚多不怕受餓牛亮臣徐安
宋老占三人商量既無出路只有死守因官兵礮
臺利害要想焚燒初三夜間徐安憫同夥六百餘
人暗出北門被官兵截殺一百三四十人昨夜宋
元成又令我帶四百人出南門來燒礮臺不料又
被官兵截住各門吶喊我敵不住鎗礮率衆跑回
官兵從後追殺我左臂著了兩箭右腿又著一鎗

殊

滾落濠溝不能隨衆進城官兵收隊我就混在鄉
勇隊理藏著原想天明逃生復被查出等供詰以
城內賊首尙有何人據供牛亮臣徐安欄朱元成
三人是大頭目管事尙有小頭目二十餘人亦有
知姓不知名者其奉

旨飭拏之朱成貴趙得一二犯據供城內並無其人平素
亦不知曉查驗該犯鎗傷甚重審明後同獲犯均
卽正法現在賊勢日熾而拒守益堅臣等仍當竭
力進攻一得捷音卽當加緊馳

奏仰慰

聖懷謹

奏

嘉慶十八年十二月十二日軍機大臣字寄奉

上諭那彥成等圍攻滑縣頓兵堅城之下已越四旬仍未攻克盼望捷音日深焦急正在降旨飭問間適接那彥成等初九日奏報據稱賊匪於初七日出城撲營欲圖焚燒礮臺經官兵截剿殺斃五六十名生擒九名擒獲著名賊首黃興宰一犯審明正法並稱現在賊勢日蹙拒守益堅官兵竭力進攻等語黃興宰與伊弟黃興相係滑城首先起事之賊黃興相前已殲斃今又將黃興

宰拏獲正法所辦甚好惟官兵自圍攻滑城以來業已月餘雖時有殲獲賊匪而孤城未下曠日持久老師糜餉滑城一日不克人心一日不定賊匪黨與伏莽未淨豈無觀望生心者那彥成等何慮不及此本日據朱勲奏報前月二十九日陝西岐山縣三才峽地方有匪徒四五百人持械掠食旋經竄至盩厔縣山內獨獨河一帶裹脅民人東竄計有八九百人又小王澗亦有賊匪三百餘人搶掠糧食並有旗幟刀矛現今該撫派兵與總兵吳廷剛兩面堵剿等語陝省地方又有匪徒滋事雖據奏係餓民掠食但已有千人之衆現已有旨諭令

長齡帶兵來陝督辦若能一鼓撲滅固屬甚善倘稍緩時日豫陝連境豈不又增牽制昨已降旨令那彥成等務於本月二十前奏報蕲功該督等接奉此旨當倍加奮勉設法攻取懋朕宵旰懷毋稍延玩至滑城攻克之後大局雖定而搜剿餘匪頭緒尙多滑城本賊匪起事之處其附近一帶藏垢納污仍復不少那彥成於克城後著於各路征兵內挑取精銳得力者同吉林黑龍江馬隊共數千名在滑縣紮營駐守彈壓曉諭村莊市集居民各將有名匪徒自行縛首或訊出賊目派委文武員弁前往緝拏以大兵爲之聲援若小有抗拒則派

一二將備帶兵數百名立時擒捕若匪徒勢衆則那彥成等卽親督勁兵一舉剿除其勢亦如以湯沃雪無難立辦滑縣一帶殲捕淨盡再督兵移營大名一帶亦如駐兵滑縣時一律辦理俟直隸交界之處零匪搜捕淨盡實可放心該督再奏聞候旨伊雖係直隸總督本任現有章煦署理朕已明降諭旨明年暫緩謁

陵大典直隸別無緊要事件那彥成不必分心懸厪惟當專慮軍務迅奏捷音妥辦善後此爲至要至陝省饑民搶掠之事長齡先行遵旨帶兵前往督辦一俟滑城攻克著高杞卽帶領西安滿兵并酌帶陝甘兵一二千名

卽速由潼關取道速赴南山幫同長齡勦辦如到彼以
該省業已辦竣卽將所帶之兵分別撤歸原伍高杞自
行來京復命高杞於滑城克後迅速起程不可遷延觀
望致干重譴彼時如陝省緊急那彥成舊任陝甘總督
或卽派該督前往屆時再降諭旨

那文毅公總統河南山東直隸軍務奏議卷三十